



Павелнің ефестегілерге пічии

Павел илчі пу пічікті наа эраның 60 чыллары пасталчатханда, римдегі харибде пастағызын одырғанында, филипптегілерге, колосстағыларға паза Филимонға пічіктернең пір туста пасханға төйй.

Ефес Асий тіп (сағамғы Түрк чирінде, талайның кидеркі саринда) Рим аймағының кін саары полған. Павел Чахсы Хабарға үгредіп ала паза Христос киртінізінің наа тигірибін төстеп, мында ікі чыл артинаң пол салған.

Пічікті ікі өөн чардыхха чарыбызарға чарир. Пастағызында (1–3 пастағлар) Павел хығырығчыларға Худайның Чахсы Хабарның сылтаанда тол парған хачанғы даа чазыт пөгіниненер – Христос тигірибиненер үгредіп чоохтапча. Иисус Христосха киртініс кізілерні прайзын – еврейлерні дее, пасха даа чоннарны – арачылапча паза піріктірче. Ікінчі чардығында (4–6 пастағлар) Павел, Худайның пу пөгіні чарлар үчүн, киртінчеткеннерні, пірге тудынып, хынызып, арығ көңніліг чуртирға үгретче.

Пу пічіктегі сағыстарның паза сөстернің көп сабазы колосстағыларға пасхан пічиндегізіне төййлер. Че мында Павел Христостанар орта үгредігі саба көзітчеткен кізілернең таласпинча.

Алғас

1 Мин, Павел, Худайның көңні хоостыра Иисус Христостың илчізі^с, Ефес саарда чуртапчатхан, Иисус Христосха киртінчеткен ах-арығларға чолабит ысчам. ²Худай Пабабыстан паза Хан-пигібіс^с Иисус Христостан паарсас паза амыр хоных сірерге ползын.

³Худай, Хан-пигібіс Иисус Христостың Пабазы, сабланзын. Ол, Христосты чир үстүне ызып, кізі көңнін чарытчатхан тигіредегі аймах-пасха алғастарнаң^с пісті алғаан. ⁴Тилекейні чайап

салар алныдох, Ол пісті, Христостағыларны, хыныста чуртап, Позының алнында ах-арығ, пырозы чох ползыннар тіп таллап алған. ⁵Ол хачанох Позының көңнінче паза Иисус Христостың пастыра пісті Позының палалары идерге пөгін салған. ⁶Мынзын Худай Позының илбек паарсазын саblandыраp үчүн иткен. Ол, хынчатхан Оолғын чир үстүнзер ызып, пу паарсасты піске пирген. ⁷Худай паарсасха пай, аннаңар Ол, Христостың пастыра, Аның ханынаң пісті пос ит салған паза чазыхтарыбысты^с позытхан. ⁸Худайның паарсазы піске прай хыйға сағыстарда паза пілісте сині чох көп пирилген. ⁹Айабин пирип, пастабох Христостың пастыра толдыраға сағын салған чазыт пөгінін піске асхан. Ол аны Позының паарсах көңнінең иткен. ¹⁰Киректелчеткен тус тол парза, Худай чир үстүндегі паза тигірдегі прай нимелерні Христостың үлгүзінде піріктір салар. ¹¹Прай нимені Позының көңні-сағызынча итчеткен Худайның пөгіні хоостыра піс, Христостағылар, Худайның палалары поларға таллап-ғабыс. ¹²Худай Позының саblandызын көзітсіннер тіп, пісті, Христосха пурнада ізенгеннерні, таллап алған. ¹³Сіреp дее, Христостағылар, сын сөсті — арачыланыстанар Чахсы Хабарны истіп, Христосха киртінгезер, аннаңар молчалған Худай Худынаң^с сіреp дее таңмалалғазар. ¹⁴Худайның молчағларының толдырыл парарларына Худайның Худы ізестіг танығ полча. Аннаңар піс Худайның Позының кізілерін чазыхтарынаң позыдарын ікінчі-лебинчебіс. Худай, тізең, кізілерін поэдып, Позының саblandызын іле көзідер.

Павелнің Худайдаң сурынғаны

¹⁵Аннаңар мин дее, Иисус Христосха киртінчеткеннеріңні паза прай ах-арығларға хынчатханнарынны истіп, ¹⁶пазырыстарымда сіреpні сағысха кирип, Худайны сіреpнің үчүн полған на сай алғыстапчам. ¹⁷Хан-пигібіс Иисус Христостың Худайы, саblandыстығ Пабазы, сіреpге хыйға сағысты пирчеткен паза Худайдаңар үгретчеткен Хутты пирзін тіп сурынчам. Аны пирзе, сіреp Худайны чахсы піліп аларзар. ¹⁸Худай сіреpнің чүректіріңні чарыт пирзін тіп сурынчам. Чарыт пирзе, сіреpге Худай пирген ізеністі піліп аларчысар. Ах-арығ^с кізілеріне пирер хайхастығ молчағларының хайдағ полчатханын паза ¹⁹⁻²⁰пісте, Ағаа киртінчеткеннерде, Худай күзінің хайдағ сині чох илбек полчатханын көрерчіксер. Худай, олох илбек күзінең Христосты

өлімнен тірілдіріп, тигірде Позының оң саринда одырт салған. ²¹Худай Аны прай үлгүлерден паза прай пастыхтардаң пөзік көдірген, амғы туста ла нимес, че килер тустарда даа Аның адын прайзынаң пөзік иткен. ²²Худай, прай нимені Христостың үлгүзіне пирип, Аны, прай нименің ээзі идіп, тигірибнің^с пазы ит салған. ²³Тигіриб, тізен, Христостың ит-сөөгі полча, прай чирде прай нимее толчатхан Христос пүкүле анда полча.

Христоста тірізбіс

2 Алында, сірер Худай сөзін испеенненер паза чазыхтарың үчүн, істіңер өліг полған. ²Хачан-да сірер, пу чир үстүндегілернің чабал чолларынча парып, чир үстүнде үлгү тутчатхан кнестің көннінче полғазар. Ол ам даа Худайның чооғын испинчеткен кізілерні толғап парча. ³Алында піс тее оларның санында полғабыс, піс тее прайзыбыс, аймах-пасха чабал нимелерге тартылып, ит-сөөгібістің паза көнни-сағызыбыстың хынчатхан нимелерін не идіп, пасхалары чіли чуртаабыс. Оларох чіли, төрееннен Худайның чабалланғанын көрерге салылғабыс. ⁴Че чағбан чүректіг Худай, Позының улуғ хынызынаң піске хынып, ⁵пісті, сайбағларыбыс үчүн өліглерні, Христоснаң хада тірілдірген. Аның паарсазы сірерні арачылап халған. ⁶Худай пісті, Иисус Христоснаң хада тірілдіріп, тигірде Аннаң хости одырт салған. ⁷Худай, піске Иисус Христостың пастыра пирген илбек паарсазын паза чахсызын прай килер тустарға көзідер үчүн, іди иткен. ⁸Аның паарсазы сірерні киртініс пастыра арачылаан нооза. Күстенгеннерің үчүн нимес, че Худай сірерге пиргенненер арачыланып алғазар. ⁹Иткен киректерің үчүн нимес – аннаңар пірдеезі махтанмазын. ¹⁰Піс Худайның чайап салған кізілерібіс. Чахсы киректер идерге Иисус Христос пастыра чайалғабыс. Ол киректерні Худай піске, толдырыңар тіп, хас-хачанох азынада тимнеп пирген.

Христосха киртінчеткеннер пір чон полча

¹¹Мынзын ундутпаңар! Постарын «Худай чоны» тіп аданчатхан иудейлер^с сірерні, төрееннен иудей ниместерні, «Худайы чох чон» тіп адачаңнар. Олар идінерде таңма иділбеенненер сірерні іди адааннар. ¹²Ол туста сірер Христос чох чуртаазар, Израиль чонына хозылбаазар, Худай пирген молчағлар сірерни полбааннар, сірер чир үстүнде ізеніс чох полғазар, Худайы даа

чох полғазар. ¹³ Амды, тізең, сірер, хачан-да ыраххы чон, Христос Иисуснаң хада полып, Аның ханының сылтаанда чағын-нас парғазар. ¹⁴ Иисус Христос позы пісті чарастыр салған. Ол, иудейлерні паза пасха чоннарны піріктіріп, пір чон ит салып, оларны чарчатхан ыырлас ханаларын иңзерген. ¹⁵ Ікі кізідең Позында пір наа кізіні чайап салар үчүн, Моисей Чахиин^с, чозахтарың, кибірлерін чох идіп, чоннарны чарастыр салған. ¹⁶ Кіресте^с өлім алып, ыырласты чох иткен. Иди ол ікөлеңні пір ит-ханда Худайнаң чарастыр салған. ¹⁷ Піди Ол, киліп, сірерге, Худайдан ырах чоннарға паза Худайға чағын иудейлерге чарастаңар Чахсы Хабарны искірген. ¹⁸ Аннаңар Христостың пастыра прайзыбыс, иудейлер дее, пасха даа чоннар, пір Хуттығ полып, Пабабысха чағын кір поларбыс.

¹⁹ Иди сірер Худай кізілеріне пасха, килген чон нимессер, че ах-арығ кізілернең тиңзер паза Худайның чағыннарызар. ²⁰ Ил-чілернең ухаанчыларның^с үгретии сірерге төстег полча. Ол төстегнің иң өөн тазы – Иисус Христос. ²¹ Ол Позынаң прай тураңны пик тутча, аны көдіріп, Хан Худайдағы^с ызых^с храмына айландырча. ²² Христоснаң пірігіп, сірер дее пүтчезер, анаң Худай Худы пастыра Худайның чуртына айлан парчазар.

Павел чоннарның үгретізі

3 Мына піди мин, Павел, сірерденер, иудей нимес кізілерденер, сағынып, Иисус Христостың нымсычызы полчатханымнаңар, харибде одырчам. ² Худай Позының паарсазын сірерге читіретер тоғысты мағаа пиргенненер искен поларзар. ³ Худай Позы, чазыдын ас пиріп, аны мағаа пілдістіг иткен. Алында мин аннаңар хысхахахти пасхан полғам. ⁴ Аны хығырып, Христостың чазыдын хайди оңнапчатханымны піліп аларзар. ⁵ Мының алнындағы кізілерге ол тоғыстың чазыдынаңар чоохталбаан полған, амды, тізең, Худай Худы аны Худайның илчілеріне паза ухаанчыларына ас пирген. ⁶ Мына ол чазыт: Чахсы Хабарны алып, пасха чоннар даа, иудейлерөк чіли, Худай чоны пол парғаннар, иудейлернең хада пір кізінің ит-сөөгi осхас пол парғаннар, Иисус Христоснаң хада полып, Худайның молчаан алып алғаннар. ⁷ Мин пу Чахсы Хабарның нымсычызыбын. Чахсы Хабарның нымсычызы пол тіп, Худай мағаа сыйых пирген – Позының күзін. ⁸ Мин ах-арығ кізілерінің аразында иң алтындагызыбын, че чоннарға Христостағы сини чох пайдаңар чоохтаңар

үлүс мағаа пирілген. ⁹ Аннаңар мин Худайның чоннарны арачы-лирданар чазыт сағызын прай кізілерге ас пирерге кирекпін. Иисус Христостың пастыра прай нимені чайаан Худай пу чазыт сағысты пурунғыдаң сығара чазырған. ¹⁰ Че амды Ол тигірдегі пастыхтарға паза үлгүдегілерге Позының аллығ, күлүк сағызын тигіриб пастыра ас пирер. ¹¹ Худай Позының хас-хачаннаң ал чөрген сағызын пістің Хан-пигібіс Иисус Христос пастыра толдырған. ¹² Аннаң хада полып, Ағаа киртініп, піс, хорыхпин, тідімніг Худайға чағын кіріп алчабыс. ¹³ Аннаңар, сірерденер сағынып, ирееленчеткеніме көнніңер түспезін тіп, сурынчам. Пу ирееленістер сірернің сабланызыңар үчүн полча.

Христостың хынызын пілердеңер

¹⁴ Пу сылтағнаң мин пістің Хан-пигібіс Иисус Христостың Пабазының алнында тізекке түсчем. ¹⁵ Тигірдегі паза чирдегі прай чоннарның пабалары ат-соланы Аннаң аладырлар. ¹⁶ Істіңердегі хылиңар пик полар үчүн, Худай Позының нинче пар сабланызыңар сірерге Позының Худының күзін пирзін тіп, Худайдаң сурынчам. ¹⁷ Христос чүреңерде киртіністерің пастыра ползын тіп, алданчам. ¹⁸⁻¹⁹ Хыныс сірерге чилегелерің паза төстеглерің ползын. Андада прай ах-арығ кізілеріңең хада Христостың тооза піліп алчаа чох хынызының чалбаан паза узунын, тириин паза пөзиин піліп аларзар. Піліп алып, Худайнаң өөн поэнаң прай тол парарзар.

²⁰ Пістегі күзіңең сурынчатханыбыстаң алай сағынчатханыбыстаң хай-хай көп ние ит полчатхан Худайға сабланыс. ²¹ Ағаа тигірибде, Иисус Христосха киртінчеткеннерде, прай төллерде нинче-нинче чүс чыл сабланыс ползын. Аминь^с.

Пір кізі осхас полыңар

4 Амды мин, Хан-пигібіс үчүн харибде одырчатхан кізі, сірердең «Худай кізілері полып, Худай хығырған ниее турыстығ полыңар» тіп, алданчам. ² Постарыңны пазымның паза нымзах тудыныңар, тоозылбас тыстаныстығ полыңар. Удур-төдір, хыртыстаныспин, хыныс турыңар. ³ Худай Худы сірерні піріктірі салған, аннаңар ыырласпин чуртаңар. ⁴ Пар пір ит-хан паза пір Хут, сах ідөк Худай сірерні хығырған пір ізеніс, ⁵ пір Хан-пиг, пір киртініс, пір кіреске түзіс^с, ⁶ пір Худай паза прайзының Пабазы. Ол прайзыңаң пөзік, прайзыңа иртче паза прайзыбыста пар.

⁷ Пістің полғаныбысха ла Христос айабин өнетін сыйых пирген. ⁸ Аннаңар Худайның пічиинде чоохталча: «Христос иң пөзік өөрлеп парыбысхан, ыырчыларын, тудып, апара халған, кізілерге, тізең, сыйыхтар пирген». ⁹ «Өөрлеп парыбысхан» тее-ні чи нимені таныхтапча? Аның алында чир түбінзер^c түзіп, сыхханын таныхтапча нимес пе зе? ¹⁰ Кем түскен, Олох, прай тилекейні Позынаң толдырыбызар үчүн, тигірдең хай-хай пөзік өөрлеп парыбысхан. ¹¹ Кем «кізілерге сыйыхтар пирген», Олох піреелерін илчілер, піреелерін ухаанчылар, піреелерін Чахсы Хабарның тарадыҗылары, піреелерін киртінчеткеннернің хадарчылары, піреелерін үгретчілер ит салған. ¹² Христостың ит-сөбгі (тигіриб чоны) öзер үчүн, ах-арыҗ кізілерін Худай киреенің нымысчылары ит салар үчүн иди иткен Ол. ¹³ Пу ондайнаң, Худай Оолғына киртінерінде паза Аны піліп аларында піс прайзыбыс хада пір сағысха чидіп аларға кирекпіс. Андада, Христостың поҗда тузына чидіп, тигіриб улуҗ кізі синіне чит парар. ¹⁴ Мын-наң мындар піс хайдаҗ ла полза үгретдіг чилине хаптыр парыбысчатхан алай алаахтырарға көнік парған көйтіктернің холларына кір парчатхан час палалар чили полбасха кирекпіс. ¹⁵ Че Сыннаңар киречілеп, удур-төдір хынызып, піс ит-ханның пазы полчатхан Христостың синіне прай саринаң чидіп аларға кирекпіс. ¹⁶ Ол пу ит-ханның ал-алынча чардыхтары прай піріктір салча. Аның чардыхтары, пик палғалыс парып, полған на чардых поэының тоҗызын толдырчатса, прай ит-хан даа, öзіп, хыныста тиліпче.

Христос пирген наа чуртас

¹⁷ Аннаңар, Хан-пигібістің адынаң алданып, Худайы чох чоннар чили, пос ондайынча хылынмаңар тіпчем сірерге. ¹⁸ Оларның сағыстары пүлестел парған. Олар, хыйғалары читпинчеткеннер, чүректері, тізең, хатыҗдаңар, Худай пирчеткен чуртаста тастых чуртапчалар. ¹⁹ Олар, нимені нимее салбас пол парып, аймах-пасха чабал нимелер идіп тее, хычыхтары хандыр полбин, оралызып чуртапчалар. ²⁰ Че пу — сірернің Христостанар үгреткен пілістерің нимес. ²¹ Сіреп Аннаңар искезер, Аннаң хада полып, Аныңдағы сынны үгретіп алғазар. ²² Алындағы чуртаста оралысхах полып сіреп постарыңны ардатхазар. Аннаңар, иргі чуртас кибірлерін хыйа тастап, ²³ постарыңның сағыстарыңны паза чүректерінні наачылабызыңар. ²⁴ Сыннаң орта паза ах-арыҗ

чуртаста Худайның омазы хоостыра чайалған наа кізее айлан парынар.

²⁵ Піс прайзыбыс пір ит-ханның чардыхтарыбыс, аннаңар сі-рернің полғаны ла позының чағынына, чойланмин, сынны чоох-тап турзын. ²⁶ Тарынзаңар даа, чазых итпенер: өкпенер кўн хон-ғанча тўс парчатсын. ²⁷ Сайтанның постарыңа чағын кирбенер. ²⁸ Алында оғыр иткен кізі, паза оғырлабин, хызылчатхан кізілер-ге пирчен ниме пар ползын тіп, позының холларыңаң тоғынзын. ²⁹ Ахсыңардаң пір дее хомай сөс сыхпазын. Сі-рерні исчеткен кі-зілерге чахсы ползын тіп, киртініске ўгредерге полысчатхан сөстерні ле чоохтап турыңар. ³⁰ Худай Худын хомзындырбаңар. Позып алар кўннің ўчўн сі-рер ол Хутнаң таныхтал парғазар. ³¹ Полған на ыдырғахтаныс алай өкпеленіс, тарыныс алай аах-тас, чабалланып чоохтанған хомай сөс сі-рерде чох ползын. ³² Хайди Худай, Иисус Христосха киртінгеннерің ўчўн, сі-рернің чазыхтарыңны позытхан, сі-рер дее ідөк удур-төдір паарсазыңар, айазыңар паза пыроларыңны тастас турыңар.

Чарыхтың палалары

5 Сі-рер Худайның хынчатхан палалары полчазар, аннаңар Ағаа төйй поларға кўстенінер. ² Хайди Христос, піске хынып, По-зының тынын тайыға^с салып, Худайның көнніне кірчеткен та-дылығ чыс пол парған, сі-рер дее ідөк хыныста чуртаңар.

³ Сі-рер ах-арығ кізілер полчазар, аннаңар чөрес хылыхтар, арығ нимес киректер паза чабдыланыс сі-рернің чоохтарыңда даа чох поларға кирек. ⁴ Хырызыңарға даа, тілге пызып, кізее кўл-ген чіли чоохтанарға даа сі-рерге киліспинче. Иди идер орнына, Худайны алғыстап турыңар. ⁵ Мынзын пілінер: оралысхахтарға, кізі уйадыстығ хылынчатханнарға алай харам кізілерге Христос-тың паза Худайның хан-чирінде^с орын чоғыл. Харам кізілер пасха худайларға пазырчатхан кізілердең пір дее пасха нимес-тер нооза. ⁶ Сі-рерні пірдеезі тик-хуруғ сөстернең алаахтырба-зын. Андағ нимелер ўчўн чоох испестерге Худайның тарыңғаны чидер. ⁷ Андағ кізілернең хостаныс чөрбенер.

⁸ Сі-рер хақан-да харасхы полғазар, амды, тізең, Хан-пигі-біснең хадада, сі-рер – чарыхсар. Аннаңар чарыхтың палалары чіли чуртаңар. ⁹ Худай Худы пирчеткен нимелері – полған на паарсас, орта ниме паза сын нооза. ¹⁰ Худайның нимее чөп-сінчеткенін піліп аларға кўстеніңер. ¹¹ Харасхының тузазы чох

киректеріне араласпін, оларны ілезіне сығар турыңар. ¹² Харас-хыдағы кізілернің харанға итчеткен киректеріненер чоохтирға даа уйадыстығ. ¹³ Чарыхха сығарылчатхан прай киректер іле көрінедірлер. Прай көріндіре иділчеткен ниме – чарых. ¹⁴ Аннаңар тидірлер: «Тур, узупчатхан кізі, өлімнең тіріл кил, сині Христос чарыдыбызар».

¹⁵ Аннаңар постарыңның хайди тудынчатханнарыңны сизініңер. Алығ кізі чіли полбин, хыйға кізі чіли чөріңер. ¹⁶ Күннер чабалданар, пар тусты тузалығ иртіріңер. ¹⁷ Ниик сағыстығ полбанар. Худай сірердең ниме идерлеріңні сағыпчатханын піліп аларға күстеніңер. ¹⁸ Араға иртіре іспенер, анзы кізіні ардатча. Че Худай Худынаң постарыңның толдырыңар. ¹⁹ Худайны саблапчатхан ырларның паза сарыннарның сөстерін тузаланып чоохтас турыңар. Прай чүреңернең Хан-пигібісті саblandырып, сарнаңар. ²⁰ Прай ниме үчүн Худай Пабаны Хан-пигібіс Иисус Христостың адынаң хачан даа алғыстап турыңар.

Ипчілер паза иреннер

²¹ Худайны улуғлап, удур-төдір чоох истіс турыңар.

²²⁻²³ Христос тигірибнің, ит-сөөгінің Арачылағчызы. Ол тигірибнің пазы, сах ідөк ир кізі ипчізінің пазы полча. Аннаңар ипчілер, ирлеріңнің чооғын, Хан-пигнің чооғын чіли, ис турыңар. ²⁴ Хайди тигіриб чоны Христостың чооғын исче, ипчілер дее ідөк прай нимеде ирлерінің чоохтарын истерге киректер. ²⁵ Иреннер, ипчілеріңе хыныңар. Христос таа, тигірибге хынып, Позының тынын аның үчүн пирген. ²⁶ Ол, Чахсы Хабарны чир үстүне читіріп, тигірибні Худайға чарыдар үчүн, аны, суғнаң чуубызып, арылап салған. ²⁷ Иди Христос Позының саblаныстығ тигірибінің, пір дее кірліг тамчых чох, тырысхах чох, пасха даа читпестері чох, Позының алнында прай сілиінең, ах-арығ паза пырозы чох турыбызары үчүн күстенген. ²⁸ Иреннер ипчілеріне постарына хынчатхан чіли хынарға киректер. Ипчізіне хынчатхан ирен поэна даа хынадыр. ²⁹ Хачан даа пір дее кізі поэнының ит-сөөгін хырт көре чоғыл, че поэын, азырап, хайраллидыр. Хан-пиг дее ідөк тигірибні азырапча паза хайраллапча. ³⁰ Піс, тізең, Христостың ит-сөөгінің чардыхтары полчабыс, Аның иди-ханынаңмыс, Аның сөөктерінеңміс нооза. ³¹ Худайның пічиінде піди пазыл парған: «Аннаңар ир кізі, поэнының паба-ічезінең чарылып, ипчізіннең пірік парар; олар ікөлең пір

кізі осхас пол парарлар». ³² Пу чазыт илбек, че мин мыны Христостана пар паза тигірибденер сағынып чоохтадым. ³³ Мына піди сірернің полғаны ла, поэына хынған чіли, ипчізіне хын турзын. Ипчізі, тізең, ирін улуғлазын.

Олғаннар паза паба-іцелер

6 Палалар, Хан-пигібістің чолынча парып, паба-іцелеріңнің чооғын ис турыңар. Пу орта кирек. ² Мына молчағ пирчеткен пастағы чахығ: «Паба-іценні улуғла. ³ Андада син чахсыны көрерзің паза чир үстүнде үр чуртирзың». ⁴ Пабалар, палаларыңны хыпчыхтандырбаңар, че Хан-пигібістің чахығларына паза үгредиине төстеніп өскірінер.

Хуллар паза ээлер

⁵ Хуллар, пу чирдегі ээлеріңнің чооғын арығ чүреенернең, Христостың чооғын искен чіли, хорығып паза чалтанып ис турыңар. ⁶ Оларның чахығларын, чойырхостар чіли, кізі көзіне ле нимес, че Христостың хуллары Худайның көңнін толдырчатхан чіли, пар-чох көңнінер салып, толдыр турыңар. ⁷ Кізілерге ле нимес, че Хан-пигібістің хуллары чіли прай көңніңернең өрініп, тоғын турыңар. ⁸ Піліңер, Хан-пигібіс полған на чахсы кирек үчүн сыйых пирер, кем дее итсін аны, хул даа, пос тоғынчатхан кізі дее. ⁹ Сірер дее, ээлер, хулларыңа идок хылыныңар, иртіре хатығлабаңар оларны. Піліңер, оларның даа, сірернің дее тигірде пір Хан-пигіңер пар, ол прайзына пір тиң хайча.

Худайның тириии

¹⁰ Халғанчызында. Харындастарым, Хан-пигнең хада полып, Аның илбек күзінең күстеріңні тыдыңар. ¹¹ Сайтанның хара киректеріне тоғырлан полар үчүн, Худайның хуйағын кизіп алыңар. ¹² Піс олаңай кізілердең тоғыр чааласпинчабыс, анзын піліңер. Піс тигірдең түскен пастыхтардаң, үлгүдегілердең, пу чир үстүндегі харасхы күстернің устағчыларынаң, чабал хуттардаң тоғыр чааласчабыс. ¹³ Аннаңар, харасхы күнде оларға тоғырланарға күстерің чидер үчүн, прай нимее сыдазып тур халар үчүн, Худайның хуйахтарын кизіп алыңар. ¹⁴ Піди, Сыннан хурчанып алып, орта чуртас хуйағын кис салып, пик турыңар. ¹⁵ Худайның паза кізілернің аразындағы чарастанар Чахсы Хабарны искір чөрерге тимде полчатханнарың сірерге маймахтарың

ползын. ¹⁶ Ағаа хоза, сайтанның прай кӱйчеткен соғаннарын үзүр полар киртіністің хусхуйағын алып алыңар. ¹⁷ Арачыланыс полчатхан тимір тулағаны даа, Худайның сӱзі полчатхан Хуттың хылызын даа алып алыңар. ¹⁸ Аймах-пасха алданыстарнаң паза сурыныстарнаң полған на сай Худай Худы устаан ондайынча пазыр турыңар. Прай ах-арығларның үчүн Худайзар сурыныс-наң сыбыра айланып, сиргек тудыныңар. ¹⁹ Чахсы Хабарның чазыттарын хорыхпин ас пирерім үчүн, чоохтанған сай, Худай мағаа кирек сӱстерні пирзін тіп, минің үчүн дее пазырыңар. ²⁰ Харибде дее мин Чахсы Хабарның илчизібін. Чахсы Хабарданаң хорыхпин паза чазынмин, кирек иде искір поларым үчүн, пазырыңар.

²¹ Хайди чуртапчатханымнаңар паза ниме итчеткенімнеңер хынған харындазым паза Хан-пигнің сын нымсчызы Тихик сирерге прай чоохтап пирер. ²² Мин аны сирерзер, пістеңер чоохтап пирзін паза кӱннелеріңні кӱдір пирерге тіп, ысчам. ²³ Амыр хоных ползын сирерге, харындастар. Худай-Пабабыстаң паза Хан-пигібіс Иисус Христостаң хыныс паза киртініс ползын сирерге. ²⁴ Сирерде прайзыңарда, Хан-пигібіс Иисус Христосха тоозылбас хыныснаң хынчатханнарда, Худайның паарсазы ползын. Аминь.